

SMALL GROUP DISCUSSION GUIDE

Para sa tibuok semana, Disyembre 10-16, 2023

“HIMOA NGA MAHINONGDANON ANG IMONG TRABAHO”

ALANG SA PAGESUGOD

Ngadto sa facilitator: Gamita kini nga seksyon sa pagpaila sa hilisgutan. Kon mahimo, paghatag ug mubo nga recap sa sermon.

Pagpaambit og usa ka halandumon nga punto, usa ka espirituhanon nga leksyon, usa ka personal nga aplikasyon, usa ka pangutana, o usa ka butang nga nakahagit kanimo gikan sa wali sa miaging Domingo.

Kon duna kay trabaho sulod sa usa ka adlaw, unsa man kini, ug ngano?

DISCUSSION SA GRUPO

Basaha Mga Taga-Efeso 6:5-9

1. Ang Efeso 6:5 nagdasig sa mga alagad sa pag-alagad uban ang sinsero nga kasingkasing sama sa ilang pag-alagad kang Kristo. Unsa ang gipasabut niana ug unsa ang hitsura niini alang sa Kristohanon?
2. Ang Efeso 6:6 nagpasiugda sa pagbuhat sa kabubut-on sa Diyos gikan sa kasingkasing. Sa unsa nga paagi ang mga magtotoo makapahiuon sa ilang buhat sa kabubut-on sa Dios? Giila ba nimo ang imong trabaho nga balaan? Ngano nga usa ka hagit ang pagtan-aw sa trabaho nga sagrado ug ngadto sa Ginoo?
3. Tagda ang hagit sa kinasingkasing nga pag-alagad (Efeso 6:7). Sa unsang paagi ang tinamdan sa bug-os kasingkasing makaamot sa usa ka positibong palibot sa trabaho? Makapaambit ka ba ug personal nga mga ehemplo o mga kasinatian nga nagpakita sa espiritu sa kinasingkasing nga pag-alagad?
4. Ang Efeso 6:5-6 nagpasiugda sa kahinungdanon sa pagsunod ug pagtahod sa awtoridad. Hisguti ang mga hagit nga mahimong atubangon sa mga magtotoo sa pagpadayon sa usa ka matinahunon nga kinaiya ngadto sa mga tawo nga adunay awtoridad sa trabahoan labi na kung adunay mga panagbangi.
5. Sa unsang paagi gihagit sa Efeso 6:9 ang imong paagi sa pagpangulo? Sa unsang mga paagi nga ang usa ka lider makapakita sa pagkamatinud-anon ug motratar sa uban sa makiangayon ug patas nga paagi? Sa imong hunahuna aduna bay kakulang sa mga Kristohanon nga nagpraktis sa bersikulo 9?
6. Sa unsang paagi nga ang pagkahibalo sa balaanong ganti (bersikulo 8) alang sa maayong mga buhat makaapekto sa paagi sa imong pagtrabaho o pagpangulo?

Sayop ba alang sa usa ka magtotoo ang pagtinguha sa ganti? Sayop ba ang mga aksyon nga gipalihok sa usa ka tinguha alang sa pag-ila o personal nga ganansya?

7. Ipaambit ang usa ka highlight nga nakaapekto kanimo sa pagtuon sa Efeso.

SUNOD NGA MGA LAKANG

Dili ang atong buluhaton ang magpakita sa ka importante sa atong trabaho, kon dili ang kina iya sa nagtrabaho ug sa nagdumala.

- ☐ Magbuhat ako ingon nga alang sa Ginoo.
- ☐ Motrabaho ko uban ang kasingkasing nga seryoso, sinsero ug kadasig.
- ☐ Ako mangulo uban sa pagkatinuod ug kaangayan.
- ☐ Magtinguha ako sa pagpahimuot sa Ginoo sa bisan unsa nga akong buhaton.

Ayaw kalimot sa:

- ☐ Pag-agi sa mga debosyonal kada adlaw niining semanaha.
- ☐ Pagbaton ug regular nga adlaw-adlaw nga oras sa pag-ampo ug pagbasa sa Pulong sa Diyos.

ALANG SA PAGTAPOS

Tapusa ang sesyon pinaagi sa paggahin og panahon sa pag-ampo alang sa usag usa. Ikonsiderar ang mosunod samtang mag-ampo ka:

- Pag-ampo alang sa espirituhanong pagkahamtong sa imong kinaiya isip usa nga nagtrabaho ug usa nga nanguna.
- Pag-ampo alang sa mga relasyon nga motubo uban sa ubang mga sumusunod ni Kristo, nga kamo magdasig ug mag-atiman sa usag usa.
- Pag-ampo alang sa imong wala pa naluwas nga pamilya, mga higala, ug mga minahal.
- Pag-ampo alang sa proteksyon, probisyon, pag-ayo ug kahupayan alang sa tanan nga nag-antus sa pisikal, emosyonal, mental ug espirituhanong kasakit.

BIBLE READING GUIDE

Disyembre 11	Mga Taga-Efeso 6:1-4
Disyembre 12	Mga Taga-Efeso 6:5-9
Disyembre 13	Genesis 1:26-31
Disyembre 14	Mga Taga-Efeso 6:10-20
Disyembre 15	Mga Taga-Efeso 6:21-24
Disyembre 16	1 Mga Hari 19:1-9
Disyembre 17	Mga Taga-Galacia 4:4-7